

書



趙文敏公松雪齋全集卷第三

海上後學曹培廉敬三校

古詩  
五言古詩

次韻周公謹見贈

池魚思故淵。檻獸念舊藪。官曹困窘束。卯入常盡  
酉。簡書督期會。何用傳不朽。十年從世故。塵土滿  
衣袖。歸來忽相見。忘此離別久。緬懷德翁隱。坐羨  
沮溺偶。新詩使我和。曠里忘已醜。平生知我者。頗  
亦似公否。山林期晚歲。雞黍共尊酒。却笑桓公言。  
淒然漢南柳。



清勝池上偶成

竹色雨餘碧。蟬聲風際清。方池含綠水。中有織鱗行。浮沉各異態。亦足悅吾情。欣賞方自茲。庶復得此生。

重用韻

孤花色更媚。密竹氣自清。懷彼橘中樂。偶茲池上行。榮華或傷性。賞靜可怡情。坐久不成起。待得月華生。

韓定叟自會稽來作詩贈之

蕭蕭晚雨細。浙浙幽叢響。爐溫動餘馥。研潤生新

賞方欣。情話款復此。邱園想即事。可忘憂胡寧。困塵鞅。

次韻韓定叟畱別

季冬寒氣結。晨興凜嚴霜。越江不可涉。欲涉恨無梁。飄飄客衣薄。烈烈北風涼。會少別何多。令人心靡忘。相去數百里。東西渺相望。豈無琴與書。撫心獨徬徨。鬢毛各已蒼。目視亦茫茫。中年別親友。作惡固其常。安得傅羽翼。與子俱飛翔。

擬古

長夜何漫漫。寒雞胡不鳴。我行在中野。霜露上沾



纓虎豹夾路啼。熊羆復縱橫。我前鬼長嘯。我後啼  
鼙。鼙四顧寂無人。北斗高且明。天道誠幽遠。吾心  
空屏營。

哀鮮于伯幾

生別有再逢。死別終古隔。君死已五年。追痛猶一  
日。我生大江南。君長淮水北。憶昨聞令名。官舍始  
相識。我方二十餘。君髮黑如漆。契合無間言。一見  
同宿昔。春遊每拏舟。夜坐常促席。氣豪聲若鍾。意  
憤髯屢戟。談諧雜叫嘯。議論造精覈。魏煌商鼎制。  
駟駿漢馬式。奇文既同賞。疑義或共析。錦囊裝玉

韜。妙絕晉唐跡。粲然極炫曜。觀者咸辟易。非君有  
精鑒。疇能萃奇物。最後得玉鉤。瑤琢螭盤屈。握手  
傳玩餘。歡喜見顏色。刻意學古書。池水欲盡黑。書  
記往來閒。彼此各有得。我時學鍾法。寫君先墓石。  
江南君所樂。地氣苦下濕。安知從事衫。竟卒奉常  
職。至今屏障間。不忍覩遺墨。淒涼方井路。松竹蔭  
真宅。乾坤清氣少。人物世罕覲。緋袍儼畫像。對之  
淚沾臆。宇宙一何悠。悲酸豈終極。

酬潘提舉

卧病六十日。憤憤無一欣。時取古書讀。那復能知



新客從遼東來一見意自親高談極虛無微言合  
道真遠宦萬里外飄然絕埃塵歸來如老鶴笑視  
世間人胡爲肯顧我扁舟雪溪濱白髮我已老青  
雲子當伸京師人物園子往無逡巡而我慵墮久  
棲遲甘隱淪

新秋

夜久不能寐坐來秋意濃露涼催蟋蟀月白淡芙  
蓉漸覺練衣薄將欲紈扇慵

秋日言懷

暑退草木蘇綠陰秋更繁玄蟬寂無聲螿蟄已復

喧四序有代謝人事何足言塵冠久不彈散髮坐  
前軒俛仰歲云莫遲此負朝暄

送姚子敬教授紹興

我友子姚子風流如晉人白眼視四海清言無一  
塵結交三十年每見意自新皎皎白駒瘦華髮無  
緇磷此行度浙水言采會稽芥會稽山水勝王謝  
雅所欣亦有支許儔迭遞爲主賓子往訪遺跡掉  
船鏡湖濱狂客雖已去高情自清真以子絕代才  
數賢可比倫登山復臨水嘯歌且怡神時時書寄  
我用慰情相親



述懷

我性真且率，不知恒怒嗔。俯仰欲從俗，夏畦同苦辛。以此甘棄置，築屋龜溪濱。西與長松友，東將修竹鄰。桃李粗羅列，梅柳亦清新。漸與市朝遠，頗覺漁樵親。自謂獨往意，白首無緇磷。安知承嘉惠，再踏京華塵。京華人所慕，宜富不宜貧。嚴鄭不可作，茲懷向誰陳。

慶壽僧舍即事

白雨映青松，蕭颯灑朱閣。稍覺暑氣銷，微涼度疎箔。客居秋寺古，心跡俱寂寞。夕蟲鳴堦砌，孤螢炯

叢薄。展轉懷故鄉，時聞風鳴鐸。

送李仲淵同知眉州

西風吹客衣，秋日明遠樹。蕭蕭班馬鳴，念子明當去。人生貴適意，要津何必據。佐州亦不惡，足展經濟具。峨眉山川秀，文俗盛如故。喜子過我樂，增我羈旅慮。匆匆萬里別，益歎相見暮。此心如天河，隨子西南注。

幽獨二首

閒居無與娛，幽獨欣有得。松翁善嘯歌，花女美顏色。人生亦何為，耳目皆幻適。我今未半百，鬢髮早



已白牙齒復動搖行當爲去客且盡須臾歡忘言  
坐苔石

獨坐不自聊披草尋微逕夕陽在高林籬落有餘  
暎依依增遠想歷歷生晚聽涼蟬軋鳴箏候蟲擊  
清磬大小皆有從雄雌各相應沉吟復躊躇忽覺  
西山暝

允懷齋

安西皇甫先輩

小齋深且明中有萬卷書齋中古君子寸田自耘  
鋤人生萬善具政當復其初操存貴勿忘道積乃  
有徐時復南榮下靜看雲卷舒

送文章甫陝西都事

籍甚潞公孫去爲西省客矯矯國士風婉婉幕中  
畫涇渭寒有聲終華秋更碧聊因佐理餘題詩寄  
來驛

美人隔秋水

美人隔秋水只尺若千里可望不可言相思何時  
已庭樹多落葉日夕秋風起我今年已衰素髮擁  
兩耳回思少年時容顏若桃李美人何當來一笑  
懷抱洗未見令我思既見胡不喜

贈李明道尊師



我遊皆意行，仙館欣有遇。麻衣皓如雪，蓬鬢颯以素。懸知有道者，一見乃如故。行當還山中，清飈送雲馭。蒼松無凡聲，石局有生路。風雷坐可致，龍虎儼訶護。空令塵中人，矯首企煙霧。

雲林山中

松風太古聲，欲寫不可狀。仰觀空翠滴，俯聽潮音壯。豈惟塵慮滌，亦覺神情玉。平生獨往意，老矣天所放。翳翳林竹閒，山鳥時一唱。俗氛雖云遠，勿起清淨障。

九日當采菊，登高古相傳。我今值佳節，燕坐雲林顛。亦有巖間花，青蕊露華鮮。采采服九英，飲水可長年。况茲霜稻熟，刈我山下田。一飽無復事，了我粥飯禪。

題括蒼山成德隱玄洞天

洞天在何許，乃近在人間。神仙亦人耳，仙成厭塵寰。冥冥隱玄洞，峩峩括蒼山。卿雲時翳勃，赤鳥昔飛翻。緬懷葛玄翁，一往不復還。飡霞弄明月，解纓濯潺湲。青芝何時生，綠蘿共誰攀。服食去道遠，孤坐亦非丹。清歌極幼眇，朱書勒孱顏。千年有白鶴，飛來啟玄關。



深來題先天觀

對此山水詠使人塵慮銷。况茲構真館燕坐遠煩  
囂。青林蔭戶煇素雲冠山椒松風和澗泉雜佩響  
瓊瑤焚香玉女降長齋百靈朝仙道本不遠清都  
亦非遙自嗟衰莫年頗費後鶴招安得生羽翰從  
子以消遙。

周南翁悠然閣

青山與高人一見如有約悠然相莫逆無語心自  
樂凌虛步丹梯攬秀有高閣應同九臯鶴翱翔在  
寥廓。

夏日即事呈六兄

下簾却畏日開軒納清風雖無政事關亦見好惡  
公此心如白璧聊與世容容有兄遠方來一笑杯  
酒同我雖不解飲預恐尊中空呼兒更往沽勿使  
歡意窮。

送謝伯琰

太史院都事

纂纂棗實繁嘒嘒蟬聲稠炎暑尚爾熾西風猶未  
秋憐子觸熱行不憚道里修棧閣天下險錦城西  
南陬過家因上冢聖恩賁林邱鞍馬雖驅馳於義  
不可留子材瑚璉器用世美且周明時方任賢驛

元本聖恩行



程難久遊去去早言還庶解離別憂

南州偶記舊時一首在德清別業時作

春情浩無端野興欣有矚山光豔桃李澗影寫松

竹古來巖穴士白駒在空谷幽鳥何處來啼破林

煙綠

遊幻住庵

雨後溪水溢黃流行地中輕舟何迅邁公波兼順

風碧蘆幹始長柔桑葉已空瞬息抵山曲窈窕微

逕通青林夾道周流泉響幽叢多慚衆衲子前路

相迎逢禪居新結構斧斤未輟工雙閣出塵囂六

窗自玲瓏久矣厭城市飄如脫樊籠妙香清鼻觀

新鷺驚耳聾汲水插山花開牖納風松經聲出廊

廡寂然聞鼓鐘蔬食欣一飽亦與膏粱同緬懷老

尊宿燕坐毗盧峰塵緣苦未斷無由往相從一宿

返歸棹回望但青蔥

清河道中

揚舫清河流開蓬素秋曉爛斑被屋花委蛇順流

藻天清去雁高野闊行人小故園歸有期客愁淨

如掃

夏至



夏至午之半一陰已復生堅冰亦馴至顧豈一朝  
成萬物方茂悅安知有彫零君子感其微慟哭幾  
失聲

庭前松

手種庭前松於今二十年清風時過之我琴不須  
絃高標傲歲晚秀色凝空煙有懷貞白君世豈知  
其玄

謝貞居先生寄周鍾

七月六日承貞居先生遠寄周鍾銳聞有文象鳥之形則考工  
記所謂鳥氏爲鍾者也擊之與夸則合而是日又適之秋古物  
之來豈偶然哉  
成小詩拜祝之辱

七月起元本均大書不  
作注書上一行

故人賞我趣遺我鳥氏鍾制與周禮合試叩聲春  
容是日新秋節夸則還爲宮懸之西楹下浮磬儼  
在東金石互相應間以絲與桐八音雖未備古樂  
將無同鼎尊鐸解自羅列見古風揖讓於其閒令  
我懷周公作詩報佳<sup>嘉</sup>貺庶以開羣聾

閒居

荒庭蕪弗治翳翳草與筠池魚出娛客林鳥來依  
人閒居意自足何者爲戚欣况於黃卷閒時與聖  
賢親

病中春寒



仲春尚寒氣林花無豔滋  
敝裘擁衰疾風雨何淒  
其始雷發東隅霽牖陽光披微風草際動落英池  
面移幽禽變圓吭遊魚揚細鬚我病自此愈泛舟  
溪水滑小輿指南蓋短筇問東毗機心不復有高  
蹈農與義

松澗詩贈丁師善

青松上參天下有幽澗泉  
高人居其閒萬慮不至  
前讀書得妙趣視世等浮煙  
胡爲舍此去杖策走  
日邊要當陳忠益民瘼會有痊  
却歸弄泉石靜聽  
松風眠

興中府某氏見山樓

東北有高樓迢迢數十尺  
朝霞映窗牖浮雲來几  
席莽蒼一望間翠嶽千峰碧  
青山何處無所見多  
迫迤偉哉醫無閭周禮載簡冊  
我雖身未到心想  
已可索但惜道里賒處地遠且僻  
嘉彼樓居子不  
受世故役愛山如愛客相對樂  
晨夕應笑平地人  
塵埃坐充斥

贈恢上人

晨坐古松下有僧來叩扉  
松花落金粉細細點春  
衣折松當塵尾相對澹忘機  
湯休不可作政索解



人稀

露坐

露坐夜將半，澹然無所為。草根蟲鳴歇，松梢螢度遲。城市多塵雜，令人心不怡。茲邱亦可老，已與白雲期。

題黃華為其父寫真

仙人紫霞衣，危坐古松間。玉色映流水，不動如邱山。平生黃華老，得意每相關。九原如可作，與君相對閒。

題先賢張公十詠圖

張先子野之父

吳興瀟灑郡，自古富人物。溪山映亭榭，尊俎照華髮。當時盍簪地，綦綦久蕪沒。空餘詩語工，不共芳草歇。撫卷想勝風，冠佩其改忽。先民不可見，悶悵至明發。

犀浦遐觀詩

男子四方志，蜀都天下奇。李侯并門豪，杖節鎮坤維。愛此雪山雄，卜宅犀浦湄。錦城旣云樂，焉用還家為。遺像開生面，清風凜英姿。應同武侯廟，人懷千古思。

吳俊卿義塾



禮義生富足，爲富或不仁。誰能如吳君，捐己以惠人。開塾延師儒，聚書教比鄰。豈徒名譽美，要使風俗淳。人物方渺然，作養當及辰。文章雖致身，經術乃新民。宣公相業著，輔子理學醇。二賢鄉先正，千載德不泯。吳君真盛舉，勉哉繼前塵。何當襲春服，從子語水濱。

寄題杜尊師白雲庵瓊秀亭

白雲從何來，乃在計籌山。山中古仙伯，翺翔白雲間。城市多囂塵，山林幽且閑。結屋松竹裏，開窗石邊。清齋誦道德，焚香降神仙。俯仰皆自得，洗心

游泰玄，稅駕往從之。規買山下田，藝藥埽白髮。栽桃映紅顏，庶幾林下意。期了區中緣，丹成從師去。笑拍洪崖肩。

瓊山發天秀，珠泉表地靈。柔萸吐丹葩，喬林標絳英。酌醴吸沖和，汲澗漱甘清。石門開洞府，木龍走巖高。清飈一時至，四座浮幽馨。閩風何必遠，世塵空自冥。從遊當有期，淹留詎無成。左手擷紫芝，右手采黃精。振衣陟崇岡，遐觀散神情。長嘯煙霧裏，滿空鸞鶴聲。

七言古詩



汨元本泊

楊堅州治水歌

秋水至今大河溢金隄決兮流漂疾田疇汨兮爲  
民憂魚鱉肆兮地上游誰能治水兮徵揚侯具畚  
鍤兮萬人聚勢悍急兮不可以禦問河伯兮何所  
怒歲不登兮民且饑侯精誠兮感神明赤蛇蜿蜒  
兮睭厥靈奠桂酒兮薦芳馨神攸歆兮隄防成水  
復故道兮民載寧天子聖兮地道平萬歲千秋兮  
揚頌聲

元本天子提行

題舜舉者色梨花

東風吹日花冥冥繁枝壓雪凌風塵素羅衣裳照

青春眼中若有梨園人攀條弄芳畏日夕只今紙  
上空顏色顏色好愁轉多與君沽酒花前歌

兵部聽事前枯柏

庭前枯柏生意盡枝葉乾焦根本病黃風白日吹  
沙塵鼓動哀音亂人聽嗟哉爾有歲寒姿受命於  
地獨也正雨露雖濡心自苦鳳鳥不來誰與盛豈  
無松檟在山阿只有蓬蒿沒人脛我生媿乏梁棟  
才浪逐時賢繆從政清晨騎馬到官舍長日苦飢  
食還併簿書幸簡不得休坐對枯槎引孤興人生  
何爲貴適意樹木託根防失性幾時歸去卧雲林



萬壑松風韻笙磬

題西谿圖贈道鮮于伯幾

山林忽然在我眼，攬袂欲遊嗟已遠。  
長松謾謾含蒼煙，平川茫茫際曾巘。  
大梁繁華天下稀，走馬鬪雞夜忘歸。  
君獨胡為甘寂寞，坐對山水娛清暉。  
西谿先生奇崛士，正可著之巖石裏。  
數間茅屋破不修，中有神光發奇字。  
綠蘋齊葉白芷生，送君江南空復情。  
相思萬里不可見，時對此圖雙眼明。

題二喬圖

長江東來水滔滔，誰謂江廣不容舫。  
中有喬家女

兒淚何意師昏隨，二豪龍虎方爭欲。  
相啗鸞鳥鍛

翮將安逃不見當時老，諸葛獨聘醜婦何其高。

題黃素黃庭後

此書飄飄有仙氣，意其為揚許舊跡，蓋人間至寶，伯幾所藏也。

琴心玉文洞玄玄，金鈕朱錦乃汝傳。  
子能得之可

長年黃素纈栗兒，且堅橫理如髮約。  
兩邊從有赤

道如朱絃文居其間走玄蛾，飛雲卷舒相終始。  
大道甚夸非力使，無為自然有至理。  
誰能精專換骨

髓，埽除俗塵不瑕穢。目中有神乃識真，白玉為軹

裝車輪，裹以天上翠織成。仙人樓居儼長生，鸞鶴

翔舞援猿輕。子能寶之慎勿驚，宮室之中夜自明。

城書室

元本注連題接寫



上清真人楊與許焚香清齋接神女手作此書留  
下土千年流傳子爲主東方蒼龍右白虎廉不子  
求貪不與戲題出洗馬  
齧鄰愛駕誰能御鴛鴦紛紛何足顧清絲絡首錦  
障泥鞭筆空勞怨長路明窗戲寫乘黃姿洗刷歸  
來氣如怒不須對此苦歎嗟男兒自昔多徒步

送孟仲則遊荆湖兼往襄漢

行路方難子何往瀟湘洞庭天一方長江風來浪  
如雪荆門木落天雨霜千金養客不復見萬里訪

舊庸何傷子才有用未得試牛刀愛惜藏鋒鋌似  
聞遠遊未渠央更欲攬轡趨襄陽昔年戰鬪且休  
息白骨已瘞愁雲黃伏龍鳳雛在何處鹿門山色  
還蒼蒼登高弔古一長嘯萬事慘淡悲中腸人生  
聚散安可常爲君起舞君舉觴明朝帆影拂浮玉  
寄言客居思故鄉

寄烈婦行

至元七年冬邠州軍士劉平之戍棗陽與其妻胡俱道宿車下  
平爲虎所得胡起追及之殺虎脫其夫吾聞之中原賢士大夫  
如此乃爲感激慷慨  
作烈婦行以歌之

客車何焯焯夫挽婦爲推問君將安去言往棗陽



成官事有程宿車下夜半可憐逢猛虎夫命懸虎  
口婦怒髮指天十步之內血相濺夫難再得虎可  
前寧與夫死毋與虎生呼兒取刃力與爭虎死夫  
活心始平男兒節義有如許萬歲千秋可以事明  
主馮婦卞莊安足數嗚呼猛虎逢尚可甯成甯成  
奈何汝

送高仁卿還湖州

昔年東吳望幽燕長路北走如登天捉來官府竟  
何補還望故鄉心惘然江南冬暖花亂發朔方苦  
寒氣又偏衣皮三寸冰六尺面頰欲裂凍折弦盧

溝強弩射不過騎馬徑度不用船宦遊遠客非所  
習狐貉不具綈袍穿京師宜富不宜薄青衫駿馬  
爭騰騫南鄰吹笙厭梁肉北里鼓瑟羅姪妍淒涼  
朝士有何意瘦童羸騎雞鳴前太倉粟陳未易糴  
中都俸薄難裹纏爾來方士頗向用讀書不若燒  
丹鉛故人聞之應見笑如此不歸殊可憐長林豐  
草我所愛羈勒未脫無由緣高侯遠來肯顧我裹  
茗抱被來同眠青燈耿耿照土屋白酒薄薄無葷  
羶破愁爲笑出軟語寄書妻孥無一錢江湖浩渺  
足春水鳧雁滅沒橫秋煙何當乞身歸故里圖書



堆裏消殘年

辭如贈相士

我昔放浪江湖間，舉頭開眼看青山。安知世故不相舍，坐受塵土彫朱顏。鬢髮已黃行且白，亦知人生不滿百。功名富貴非我事，但願有酒呼好客。錢塘江邊逢少年，兩眼善相口談天。封侯食肉骨法異，慎勿置我諸公前。江南春暖水生煙，何日投閒茗水邊。買經相牛亦不惡，還與老農治廢田。

元本日文連寫

仙人已歸白雲中，空餘手植青枝桐。根柯盤鬱如

謝鮮于伯幾惠震餘琴

此琴云是許旌陽手植桐所斲

鮮于為箕子商未  
知所本

蛟龍一朝霹靂驅雷公，烈火半藝隨狂風。箕子之裔多髯翁，才氣邁俗驚愚蒙。抱持來歸尋國工，斷為二琴含商宮。我來自北欣相逢，持一贈我為我容。自吾得此不敢寐，終夜起坐彈孤鴻。下絃清冷上黃鍾，轉絃更張涕滿曾。黃虞已遠將無同，恨君不識牙與鍾。恨我不識瞽與矇，周南大雅當誰從。

贈相者

吾聞伯樂善相馬，一顧千金長高價。何人倜儻買權奇，滿眼駑駘居櫪下。張君年少目有神，走半江湖多閱人。我生瘦瘠乏駿骨，浪許騰驤防失真。連



元本例寫此未注

朝春雨今始晴花枝照眼生春情樓前山色橫翠  
靄湖上柳黃飛亂鷺便須沽酒與君飲醉倒花前  
猶滿引懶從唐舉問流年欲向德翁謀小隱

漁父詞二首

仲姬題云人生貴極是王侯浮利浮名不  
自由爭得似扁舟弄月吟風歸去休

渺渺煙波一葉舟西風木落五湖秋盟鷗鷺傲王  
侯管甚鱸魚不上鉤

儂住東吳震澤州煙波日日釣魚舟山似翠酒如  
油醉眼看山百自由

送朱仲陽太平教授

列仙之儒山澤臞手中黃紙新除書教官雖冷實

清選當塗山川如圖畫我生無能百不如盍不從  
君賦歸與請君為我酬醉太白矯首南望心煩紆

題李公略所藏高彥敬夜山圖

高侯胸中有秋月能照山川盡豪髮戲拈小筆寫  
微茫只尺分明見吳越樓中美人列仙臞愛之自  
言天下無西窗暗雨政愁絕燈前還展夜山圖

贈吳真人父封饒國公母饒國夫人

上清真人天上來雲收霧斂天門開手持壘書歸  
故里瓊瑤玉佩相追陪堂上老仙千歲壽喜兒歸  
來酌春酒帝命建爾于上公老仙拜前兒拜後古

元本父七十字例寫

元本帝帝控行



元本五言律行

高侯及下不用批  
原春曉之有德符

陸居公此杜官可憐

來子貴父母榮今見恩榮萃一門紫衣玉帶照華  
髮金冠瑤簡明朝暇人閒五福誰能備歲晚寒香  
滿天地真人妙行我所知曾是玉皇香案吏

題也先帖木兒開府宅壁畫山水歌

大山翠嶽摩清天小山平遠通雲煙商侯胷中有  
邱壑信手落筆分清妍閩風立國元不遠燦爛金  
碧流潺湲參差澗谷樓觀起縈紉石路朱橋連松  
風颭颭響虛閣棋聲剝啄來羣仙漁歌樵唱渺何  
許綸巾羽扇清溪邊高情自有泉石趣涼意不受  
塵埃纏世閒書畫亦豈少誰能真賞如公賢華堂

風日不到處絕勝繡幙空高懸舉觴酌酒為公壽  
眼明對此三千年

孤燕曲

燕燕復燕燕孤飛不忍見故雄已作長別離孀雌  
守節令人羨昔日雙雙拂煙草十年獨宿梁閒藻  
歎息人閒貞婦少人獨何心不如鳥

題商德符桃源春曉圖

宿雲初散青衫濕落紅繽紛溪水急桃花源裏得  
春多洞口春煙搖綠蘿綠蘿搖煙挂絕壁飛流淙  
下三千尺瑤草離離滿澗阿長松落落凌空碧雞

元本五言圖字



鳴犬吠自成邨，居人至老不相識。  
瀛洲仙客知仙路，點染丹青寄輕素。  
何處有山如此圖，移家欲向山中住。

秋夜曲

雨聲滴夜清，漏長朱簾金幙浮。  
新涼閨中美人動，裁翦故羅衣。  
袂生秋香，東鄰剝棗西鄰穫。  
旅館無人念飄泊，餘不潦盡涵清輝。  
芙蓉壓堤怨不歸，牆根草綠陰蛾飛。

葡萄架空墮，殷玉遙夜露寒生。  
體粟暗蛩棲草鳴不平，無絲經緯空勞促。  
夢魂苦短道苦長，萬山深

處非吾鄉，玉蟲搖缸螢入屋。  
去雁來魚應可卜，醒

眼瑩瑩愁萬斛。

孔道輔擊蛇笏

以笏擊蛇有孔公，義與段公擊賊同事之鉅細。  
雖有異，正氣忿激生於中。偉哉孔公聖人裔，豈聽妖邪亂民志。  
即今槐木一尺強，氣象凜凜含風霜。  
子孫守之慎寶藏，絕勝象牙堆滿床。

李氏種德齋詩

一年之計種穀，十年之計種木，百年種德知何事。  
插架鱗鱗書滿屋，世人責報嗟何速。  
我自無心微



後福日中為市百賈鬧競逐錐刀蛾赴燭鬻書之  
利雖云薄要令舉世沾膏馥為賢為智皆由此耕  
也未必能干祿他年種德看成功遠在子孫應可  
亦  
不  
贈張彥古  
秋  
雨  
新  
已  
風  
日  
清  
忽  
聞  
剝  
啄  
敲  
門  
聲  
出  
逢  
麻  
衣  
老  
仙  
伯  
身  
長  
七  
尺  
雙  
瞳  
明  
平  
生  
學  
道  
幾  
半  
世  
一  
見  
灑  
灑  
心  
為  
輕  
大  
道  
無  
為  
返  
爾  
朴  
自  
然  
有  
路  
通  
長  
生  
我  
今  
素  
髮  
颯  
以  
白  
宦  
途  
久  
矣  
思  
歸  
耕  
吳  
興  
山  
水  
况  
清  
絕  
白  
雲  
滿  
嶺  
堪  
怡  
情  
老  
僊  
何  
當  
從  
我  
去  
小  
築  
茅  
屋

依崢嶸還丹已就蓬島近笑指塵海尋方平

送田師孟知河中府

漢二千石入為相邑令或入為三公聖朝用人亦  
復爾子以此賀田河中田侯年少與予友今三十  
年俱白首離觴未盡去馬鳴愁向風前折楊柳

趙克敬耘庵

趙子居室名耘庵不以雨暘為旱潦寸田尺宅勤  
自治稂莠芟夸嘉穀好平生萬事無助長歲晚所  
收皆至寶我託官聯幾一載懷抱於人每傾倒交  
情雅有古淡風此意難為輕薄道况我同姓古所



敦百世可知宜細攷三十年來如一夢白髮相看  
今盡老我方告歸理墓田莫怪賦詩殊草草

臘脂驄圖歌

騏驎騁寰世常有伯樂不生淹棧豆歛見此圖神  
自玉權奇磊落龍爲友隅目晶熒生紫光錦毛錯  
落蒙清霜霜蹄蹙踏寒玉響霧鬣振動秋風涼朝  
浴扶桑騰浩蕩莫秣崑崙趨象圖雄姿似隘六合  
小盛氣欲繭浮雲上嗅塵一歎驚肉飛奮迅不受  
人間鞿豈惟萬馬羞欲死直與八駿爭先馳只今  
相者多舉肥歎息此圖誰復知君不見王處冲半

生隱德真成癡

贈捏古伯

有僧有僧住江心以色殺人凶且淫貪官若吏私  
其金滅跡鉅海無由尋安知冤魂痛不釋羣然號  
訴衆所覲盡誅凶儔冤始白誰其白之捏古伯

送高郎仲德往汝州迎母

高郎八歲失其母每一言之淚如雨忽然有信自  
北來知道慈親在臨汝艱難一別四十年驚喜失  
聲渾欲舞水行有舟陸有車襜被即行身欲羽遙  
想團團再拜時膝下抱持喧笑語人生天地誰無



母此別真如隔今古。焉知孝感動神明。萬里言歸  
復相覩。吳興山水清且遠。指日安輿還樂土。我當  
理舟楫迎汝。買紅纏酒。割肥羜。斑衣喜色映庭萱。  
白髮從教老農圃。

次韻葉公右丞紀夢

倦遊客子何時去。屢欲言歸天未許。故鄉樂事時  
上心。破浪長魚日登俎。一簑一笠得自由。某水某  
邱猶可數。前年有詔舉逸民。一旦馳驛登天府。豈  
知佐理自有才。勉強盡瘁終無補。青春憔悴過花  
鳥。白日勾稽困文簿。栖栖顏汗逐英俊。往往笑談

來訕侮。倦僕思歸語見侵。瘦馬長飢骨相拄。天生  
我公出瑞世。輔相明時期復古。好將圖畫上凌煙。  
未遂衣冠掛神武。鬚髮半白稱貂蟬。步履漸輕宜  
印組。道長自覺小人消。亂沮政須君子怒。得閑有  
兆天與祥吉夢。初回月當戶。因公此意乞歸田。不  
辭歌詩爲公舞。

楊天瑞府判平冤詩

至元年閒歲辛卯。建寧總管有馬謀。間因盜起建  
陽縣。欲引鎮軍肆誅屠。聞民張氏有女子。小名月  
娘。美且姝。思得此女恣淫泆。乃誣張氏與賊俱。月



元本聖神拉行

娘逃匿不可得旁及鄰女遭姦汙既得月娘欲滅口父母親戚皆囚俘一家九人一時斃痛入骨髓天難呼其餘五人亦瀕死身被榜掠無完膚人家不幸產尤物破家滅族真無辜楊侯天瑞為府判深疑此事皆虛誕奮然仗義以死爭力謂馬謀當併按月娘得脫為良人待盡殘囚出獄狂沉冤極枉一旦伸臺省交章同論薦聖神天子甚明察詔下天門發英斷馬謀竟以罪伏誅行路聞之亦咨歎邑人為侯生立祠牲酒續紛勤薦裸楊侯平反世希有宜有陞遷示旌勸政事固因才德美歲月

難將貨品算即今已過二十年那拋朱紱換青衫  
臯夔在位方進賢請為誦我平冤篇

賦張秋泉真人所藏研山

泰山亦一拳石多勢雄齊魯青魏峩此石却是小  
岱岳峰巒無數生陂陀千巖萬壑來几上中有絕  
澗橫天河粵從混沌元氣判自然疑結非鑄磨人  
間奇物不易得一見大叫爭摩挲米公平生好奇  
者大書深刻無差譌傍有小研天所造仰受筆墨  
如圓荷我欲為君書道德但願此石不用鸞巧偷  
豪奪古來有問君此意當如何

說研山者似未及此  
幸



題舜舉摹伯時二馬圖

二龍何時飛上天空有駿影人間傳一匹鳳頭來  
于闐一匹賜名花滿川李侯作畫述者錢想見溫  
公當國年大平時節巡遊少立仗歸來飽春草老  
向天顏無戰功馬自不逢人皞皞

兔

少年馳逐燕齊郊身騎駿馬如騰蛟耳後生風鼻  
出火大呼討來飛鳴體騁如今老大百憂集拄杖徐  
行防喘急卷中見畫眼為明驥聞秋風雙耳立討

國朝語  
謂兔也

贈相師王蒙泉

王君善相多奇中說好誇奇無刺風已將幻化等  
虛空問壽幾何持底用遭時乏才偶致位處非其  
宜常自訟祠林每媿文字拙玉帶却憐腰體重身  
歸閭里困衰疾心戀闕庭形夜夢端如老驥欲  
倒駿骨雖存難受鞚清溪如玉遶屋廬箇箇漁舟  
時看弄且將閒散樂餘生豈望殘年給殘俸

元本闕庭拉行

趙文敏公松雪齋全集卷第三



蘇文敏公松雪齋全集卷二

和素弄且深閒始樂銷坐宜坐效平餘效奉  
國與骨親每難受輝散彩映玉臺呈靈箇箇成良  
龍閣里困寒燕心戀闕或汗或夢散吹去難情  
宜常自為時林再散入石冰玉帶味料難重  
素空問喜笑向林亦似真相天木點燈並數北其  
王喜善時多中我奇奇神思已微以介  
韻賦明王蒙泉

趙文敏公松雪齋全集卷第四

海上後學曹培廉敬三校

五言詩律詩

春寒

夜雨鳴高枕春寒入敝袍時光自花柳吾意豈蓬蒿  
失色黃金盡知音白雪高山林隱未得空覺此生勞

雪後同子俊遊何山次韻四首不又不出  
同是清閒客俱為放浪遊晴山依雪壯野水帶冰流  
風急松杉亂年登薺麥收生涯雖未老吾欲覓







須臾  
魚樂樓

樓下南來水清冷百尺深菰蒲終夜響楊柳半谿陰  
日月驅人世江湖動客心向來歌舞宴達曉看橫參

秋夜

草蔓行多露蟲聲報早秋明河斜未轉大火已西流  
欲作傳杯飲誰能秉燭遊清晨拂鞍馬適野擬消憂

次韻陳無逸中秋月食風雨不見

谿月當圓夜看雲起莫愁層陰連積水伏雨暗清秋  
白璧難容玷明珠不可求每因觀節物轉覺此生浮

獨夜

生事憐吾拙懷人阻道修角聲悲靜夜燈影伴幽憂  
水落紅衣老天寒翠袖愁雲中有過雁哀叫亦何求

次韻子山登樓有感

西北高樓好登臨望眼空弁山橫雨外笠澤浸天東  
計乏千金藥羞看百鍊銅只應將世事都付酒



杯中  
懷古情何極登危氣尚雄江山一時勝宇宙百年  
中翠袖愁空谷縹袍受朔風超然高舉意決肯送  
飛鴻

聞角  
吹角秋風裏邊聲入暮雲抑揚如自訴哀怨不堪  
聞老馬行知道孤鴻飛念羣祇今霸陵尉那識舊  
將軍

次韻馮伯田秋興

搖落故園秋谿山處處幽無錢頻貫酒多病倦登

樓文采陶彭澤丹青顧虎頭誰能混流俗浩蕩一  
浮漚

風緊草木變露寒沙水清蕭蘭嗟共悴鷓鴣忍先  
鳴黃閣非吾事青山不世情浩歌聊感激裘馬任  
肥輕

興逐秋風發愁隨秋夜長繫書陽鳥遠促織候蟲  
忙世已無劉表家徒有孟光故衣寒未補發篋動  
幽香

本齋先生輓詩

昔我先君子交游半老儒詞林宗匠在制闈輔臣



須晚節風塵際閒居歲月徂  
謬稱詩賦善深痛典  
型無

德邵龜齡邁神全鶴髮春  
管寧安阜帽龔勝謝蒲  
輪小楷名空在遺言意更親  
平生知己恨淚落雲  
溪濱

元本公為不依四  
五行去書

公為孟頫作研銘嘗刻之研底  
又臨終呼孟頫多所囑故云

贈權季玉兼簡李順甫

幕府文書靜湖山春事多  
風煙歸逸興花鳥助高  
歌自愧諸生後其如二妙何  
卜鄰應有日退食數  
相過

奉和帥初兄將歸見簡

戴子文章伯不為時所知  
朱絃非衆聽白璧易羣  
疑海樹生秋早江船渡越遲  
莫愁千里別要作百  
年期

我坐幽憂疾非君誰與娛  
清談忘日夜高論到唐  
虞天地無青眼江湖有白  
鬚客居宣鬱鬱歸興託  
尊鱸

送楊幼澄教授歸江西兼寄吳幼清

客裏相從久愁中欲別難  
此行登仕版未覺負儒  
冠北度憐江總東歸憶幼安  
著書應滿屋妙處共



誰看

送李清甫由御史出按四川  
蜀道青天山繡衣驄馬行  
霜威御史府春色錦官  
城萬里平反報三年菽水清  
相逢一杯酒似為別  
離傾

送劉伯常淮東都事

久客倦遊甚思歸勞寸心  
之子復南邁欲別惜光  
陰蕭條楚山遠渺瀰淮水深  
夢中不可到何用解  
愁襟

晉公子奔狄圖邀端父御史同賦

枕隍居蒲日艱難奔狄時  
天方興伯者數子實從  
之歲久丹青暗人賢簡用悲  
至今綿上路猶憶介  
之推

題米元暉山水

卧遊渺萬里楚天清曉秋  
初日江山出白雲山際  
浮蒼蒼迷煙樹隱約見孤舟  
丹青不可作思子徒  
離憂

送張仲實還杭州

張子早英發哦詩遺垢氛  
瘦骨映秋水青眼視晴  
雲黃公酒壚側王令為書裙  
相望苦不遠何用惜



元本旨字按行依故

離分公...  
 那子食粥...  
 杲杲西流日...  
 多不道含香賤...  
 蹉跎...  
 相酬衛處士...  
 之子有道氣...  
 歌未遂攜家...  
 巖阿

送吳禮部奉旨詣彭湖

元本旨字按行

為國建長策...  
 仙朱紱為郎...  
 凌煙

大司農侯公輓詩

理學推高第...  
 精乍識俄離...  
 縱橫

和周景遠見寄二首

四海多兄弟...  
 麟簿領淹豪士...  
 江湖著散人...  
 相看俱老大...  
 喜見一



毛新

止酒陶彭澤能書王右軍逃禪寧避俗感舊惜離羣澤國茫茫水霜空黯黯雲為農投老去北望隱

思君

奉奉隆福召命赴都過德清別業

驟喧氣候變幽園卉物淒山雲石上起春鳥雨中啼牽衣憐稚子舉案愧山妻苦被虛名累未得遂高棲

謝石林贈湖石次其韻

怪石曾聽法來從不二門玲瓏浮磬韻斑駁古苔

痕池月巖邊上春雲水面屯微爾能輒贈此意向

誰論

筇竹杖贈天聖長老仁公

仁有詩次其韻

瘦節蒼骨聳膩膚黃玉溫苔間時卓地月下屢敲門持贈松廬老攜尋水竹邨歸來倚空壁夜氣與俱存

胡穆仲先生輓詩

我有三益友對之如古人布衣甘陋巷書冊老遺民淚落黔婁被神傷郭泰巾請為千字誄書刻上堅珉

元本注字連寫

元本隆福拉行依三



元本帝閑提行

贈永清曹顯祖縣尹

赤縣郎官室，清朝學士班。雲端雙履去，花底一琴壺。

間鴻鵠宜天路，麒麟近帝閑。會當從此召，豈待及

瓜還

贈鄭之僑

我有故人子，少年能綴文。偏工吟九日，已解賦齊

雲。落落駒千里，昂昂鶴出羣。却憐吾老矣，鬚鬢白

紛紛

來鶴亭

在杭州開元宮，吾往年遊宮中，而適有鶴來，因為書二字以名焉。

客遊真館日，鶴來玄圃時。援筆二大字，欣然千載

元本在抗不旁寫

期長鳴松月照，屢舞竹風吹。天路何寥廓，吾與爾同之。

大都遇平江龍興寺僧閒上座話唐綦毋潛

宿龍興寺詩因次其韻

聞說龍興寺，多年未款扉。風林發松籟，雨砌長苔。衣殿古燈光，定房深磬韻。微秋風動歸興，一錫向空飛。

李太白酒樓

在任城今新濟州是

城迴當平野，樓高屬暮陰。謫仙何俊逸，此地昔登臨。慷慨空懷古，徘徊獨賞心。嶧山明望眼，百里見

元本在抗不旁寫



元本十字旁寫

遙峯  
送翟伯玉雲南省都事  
萬里雲南路青山落照邊  
省郎新紫綬幕府舊紅蓮  
見面嗟吾晚觀文覺子賢  
只應清淑氣不受瘴溪煙  
題趙敬父侍御祖德詩  
棄子抱兄子古來聞鄧攸  
賢哉趙氏母盛德邁前修  
陰隲理須復高門慶自流  
詵詵庭下玉簪笏盡公侯

獲周豐鼎

見博古圖第三卷銘六字

豐鼎制特小周人風故滴摩挲玉質潤拂拭翠光  
勻鑄法觀來妙銘文考更真平生篤好古對此興  
彌新

贈劉節軒侍御

聽馬人皆避沙鷗意獨閒  
天恩霑贈典泉壤慰慈顏  
樂在簞瓢外春生杖屨間  
聞閒且行樂但恐趣朝班

雨

械械衆葉響滋滋生意新  
知誰實揮灑解使盡圓勻  
蛛網懸珠絡荷盤瀉汞銀  
喜涼生枕簟愁潤逼

結聯句法獨異

元本天恩在行



衣中  
 寄題陸振之與閒堂  
 一閒天所與萬事世從疎名教有樂地安心為廣  
 居林間聽啼鳥濠上看遊魚意適無餘想時還讀  
 我書

次韻觀復表兄見簡天恩雲觀與泉

寒雨何時已停雲不肯開難陪山簡醉空憶謫仙  
 才梅蕊枝枝發幽禽日日來可能無過我真復要  
 詩催

載酒無人到山園晝掩門泥深妨步履雨暗只空

林每憶文園渴難忘北海尊何當來就飲聽我撫  
 桐孫

故兩淞運使李公輓詩二首

昔我閒居日公來作守時敝廬曾寓止暇日每娛  
 嬉篆籀傳書法絃歌送酒卮情親自茲始歲晚辱  
 深知

白髮儀刑老清朝侍從班理財羞聚斂治郡已痼  
 瘵卧疾留南久招魂竟北還向來漳水道淚落郭  
 西山

五言排律

元本冬此行



送張夢符郎中還朝

侍從班行近，咨謀出使頻。乘輶山水國，把酒淞江春。  
驄馬歌仍在，祥麟德自馴。大書誠有法，妙句不無神。  
愛士容疎放，忘年接隱淪。回轅瞻斗極，聽履上星辰。  
此別真堪惜，茲情未易陳。數公如見問，爲說混風塵。

送董叅政赴召

丹極飛明詔，鋒車召老臣。仲舒經術邃，賈誼讜言陳。  
偃草懷殊俗，安田慰遠人。公心如皦日，江國自熙春。  
散亂堆床帙，蕭颼滿案塵。說隨吾不忍，高臥浩蕩未能馴。

投贈刑部尚書不忽木公

胄子何多士，明公特妙年。詩書師法在，簪紱相門傳。  
曳履星辰上，分光日月邊。帝心知俊彥，羣望屬英賢。  
大木明堂器，朱絲清廟絃。吉人詞自寡，君子德爲先。  
斷獄陰功厚，優儒禮數偏。我非天下士，人謂地行仙。  
山好雙游屐，溪清一釣船。賦詩時遣興，好客恨無錢。  
政爾韋編絕，俄聞束帛羨。風塵驅騾

元本帝心托行



騎霜雪灑鞍韉別婦經春夏離鄉整四禾家書愁  
展讀旅食困憂煎郎位蒙超擢官曹幸接聯屢聞  
哦鄙句信或有前緣知己誠難遇捫心益自憐樊  
中淹澤雉春晚怨啼鵲驥病思豐草鴻冥羨遠天  
仁言如借便白首向林泉

送夾谷公分省陝西

憶從長楊獵于時始識公堂堂九尺榦落落萬夫  
雄補袞彌縫密能書點畫工勞謙延士類豈弟到  
兒童黃閣歸人望青雲有父風驅馳常扈從奏對  
每留中暫輟尚書履榮分陝右弓秦山依畫錦燕

雪感秋蓬粉署趨承舊瀛洲忝竊同因公動鄉思  
飛夢過江東

秋日即事

今日秋色好天高景不暄清飈動林薄涼意滿邱  
樊俗客無因至幽禽時自言露濃金盞側香遠玉  
簪繁誰辦東山妓空餘北海尊莫吟招隱賦桂樹  
可攀援

元日朝賀

兵曹時作

闐闐曙光生觚稜瑞靄橫治朝春有象嚴蹕物無  
聲簪笏千官列簫韶九奏成形墀簇仙仗翠樹拂



元本均拉行

霓旌絕域梯航至來庭玉帛盈皇圖天遠大聖德  
日高明兵息知仁布民熙見化行耄倪齊鼓舞率  
土共升平

奉贈平章李相公十韻

元本聖之拉行

魚水千年慶龍雲億載春乾元開泰運聖主得賢  
臣畫像丹青炳書題刻畫真春宮承寵舊秋谷賜  
名新扶日登皇極經邦贊化鈞甘盤基相業傳說  
應星辰報國非私已逢時豈愛身誰能動天子今  
復見山人始白詩書效行看俗化淳願陳歸美意  
作誦比烝民

元本天子拉行

元本聖之拉行

題楊司農宅劉伯熙畫山水圖

移得山川勝坐來煙霧空窗中列遠岫堂上見青  
楓巖樹參差綠林花掩冉紅鳥飛天路迴人去野  
橋通邨晚留遲日樓高納快風琴尊會仙侶几杖  
從兒僮疑聽孫登嘯將無顧愷同微茫看不足瀟  
灑興難窮碧瓦開蓮宇丹樓聳竹宮亂泉鳴石上  
孤嶼出江中籍甚丹青譽益知書畫功煩渠添釣  
艇著我一漁翁

七言律詩

和姚子敬秋懷五首



銅爵春深漢苑空。邯鄲月冷照秦宮。煙花樓閣西  
風裏。錦繡湖山落照中。河水南來非禹迹。冀方北  
去有唐風。溪城秋色催遲莫。愁對黃雲沒斷鴻。  
落日孤城動鼓鼙。愁中畫角不勝吹。山川蕭瑟秋  
雲淨。草木彫傷莫雨悲。多病馬卿聊假日。數奇李  
廣不逢時。卷簾白水青山裏。隱几無言有所思。  
搔首風塵雙短鬢。側身天地一儒冠。中原人物思  
王猛。江左功名愧謝安。首藉秋高戎馬健。江湖日  
短白鷗寒。金尊綠酒無錢共。安得愁中却暫歡。  
吳宮煙冷水空流。慘澹風雲暗九秋。禾黍故基曾

駐輦芙蓉高閣迴。添愁繡楹錦柱蛟龍泣。金盃瑤  
堦鹿豕遊。宋玉平生最蕭索。欲將九辯賦離憂。  
野曠天高木葉疎。水清沙白鳥相呼。胡笳處處軍  
麾滿。鬼哭村村邯鄲月。孤新亭舉目山河異。故國傷  
神夢寐俱。黃菊欲開人卧病。可憐三逕已荒蕪。中

得王聞擣衣

蕭蕭日流京不短。或南或北千里賦山妹

露下碧梧秋滿天。砧聲不斷思綿綿。北來風俗猶  
存古。南渡衣冠不及前。首藉總肥宛騾裹。枇杷曾  
泣漢嬋娟。人間俯仰成今古。何待他年始惘然。冥

林登飛英塔

又前助會空鳥背點千里賦山妹



梯颺直上幾百尺。俯視層空鳥背過。千里湖山秋色淨。萬家煙火夕陽多。魚龍滾滾危舟楫。鴻雁冥冥避罔羅。誰種山中千樹橘。側身東望洞庭波。曾  
鄂王墳上草離離。秋日荒涼石獸危。南渡君臣輕社稷。中原父老望旌旗。英雄已死嗟何及。天下中分遂不支。莫向西湖歌此曲。水光山色不勝悲。

溪上

溪上東風吹柳花。溪頭春水淨無沙。白鷗自信無機事。玄鳥猶知有歲華。錦纜牙樁非昨夢。鳳笙龍

管是誰家。令人苦憶東陵子。擬問田園學種瓜。

次韻剛父無逸遊南山作

絕頂清秋凌翠煙。登臨應費酒如川。平生能著幾兩屐。負郭何須二頃田。初日出雲光射地。雙溪入湖波接天。升高望遠我所愛。青嶺有路何當緣。

次韻子俊

歲云莫矣役車休。蟋蟀在堂增客愁。少年風月悲清夜。故國山川入素秋。佳菊已開催節物。扁舟欲買訪林邱。從今放浪形骸外。何處人間有悔尤。

次韻本齋先生即事



重攬衣裘敝更寬。徂年欲莫氣先寒。雨中百草難  
爲綠。霜後黃花尚耐看。千古清真者。舊傳半生辛。  
苦腐儒冠。便應築室山阿去。嘉與斯人賦考槃。  
次韻信仲晚興  
蕭蕭殘照晚當樓。寒葉疎雲亂客愁。歲月蹉跎星  
北指。乾坤浩蕩水東流。古來人物俱黃土。少日心  
情在一邱。獨立無言風滿袖。青山相對共悠悠。

次韻王時觀

相思吳越動經年。一見情深重惘然。草木變衰人  
易老。江湖牢落雁難前。秦山半出青天上。禹穴遙

臨古道邊。欲說舊遊渾似夢。何時重上剡溪船。

錢塘懷古

東南都會帝王州。三月煙花非舊遊。故國金人泣  
辭漢。當年玉馬去朝周。湖山靡靡今猶在。江水悠  
悠只自流。千古興亡盡如此。春風麥秀使人愁。

次韻舜舉春日感興

沙頭春日已暄妍。細柳新蒲色共鮮。世事底須求  
分外。人生何物勝尊前。飛花冉冉催華髮。宿草青  
青失古阡。回首舊歡如夢過。不知今日是何年。

紀舊遊



二月江南鶯亂飛，百花滿樹柳依依。  
落紅無數迷歌扇，嫩綠多情如舞衣。  
金鴨焚香川上暝，畫船過鼓月中歸。  
如今寂寞東風裏，把酒無言對夕暉。

次韻章得一同原父姪遊蘭澤

綠樹閶闔草接天，已愁春盡更聞鶉。  
落花飛絮都成恨，痛飲狂歌渾欲顛。  
起舞有人如謝尚，著書無意似伶玄。  
繡筵寶瑟何時會，割錦纏頭不計錢。

見章得一詩白次其韻二首

水色清漣日色黃，梨花淡白柳花香。  
即看時節催人事，更覺春愁惱客腸。  
無酒難供陶令飲，從人皆

笑鬻生狂城南風暖遊人少，自在晴絲百尺長。  
片片飛花欲送春，萋萋碧草正愁人。  
黃蜂釀蜜經營急，紫燕銜泥來去頻。  
才似茂陵非晚遇，美如曲逆不長貧。  
久知求富都無益，但喜論詩若有神。

奉和帥初雨中見贈

陰雨淒淒生夏寒，故人望望惜清歡。  
停雲底事能相阻，后土何時可得乾。  
無事甘爲犀首飲，切雲聊著屈平冠。  
閉門客散且高臥，戶外泥深沒馬鞍。  
正坐清談與世違，交情如子定應稀。  
圖書跌宕心猶在，裘馬清狂意已非。  
黃鶴未知何日返，飢烏故



作傍人飛。溪南流水清如玉。終擬歸休理釣磯。

次韻帥初

吳越相望三十年。相逢意氣共翩翩。長歌白石徒  
為爾。遠訪丹砂亦偶然。海氣昏昏雲拂地。江風颯  
颯雨連天。他時別後相思處。欲問山陰雪後船。

多景樓

層巔官閣幾時修。遠檻長江萬古流。白露已零秋  
草綠。斜陽雖好莫雲稠。平南籌策張華得。治內人  
才葛亮優。景物未窮登覽興。角聲孤起甕城秋。

東陽八詠樓

一城秋色淨朝暉。極目登臨未擬歸。羽士曾聞遼

鶴語。樓在寶婺觀中。老  
道士能言諸父出處。

征人又見塞鴻飛。西流二水玻  
黎合。南去千峰紫翠圍。如此山川良不惡。休文何  
事不勝衣。

金陵雨花臺遂至故人劉叔亮墓

雨花臺上看晴空。萬里風煙入望中。人物車書南  
北混。山川襟帶古今同。昆蟲未蟄霜先隕。鳳鳥不  
鳴江自東。綠髮劉伶緣醉死。往尋荒塚酌西風。

蛾眉亭

天門日湧大江來。牛渚風生萬壑哀。青眼故人攜



元本以字字寫

酒共兩眉今日為君開。蒼崖直下蛟龍吼，白浪橫空鷺鶴迴。南眺青山懷李白，沙頭官渡苦相催。時與劉伯宣尚書同登

海上即事

白水青林引興多，紅裙翠黛奈愁何。底從莫醉兼朝醉，聊復長歌更短歌。輕燕受風迎落絮，老魚吹浪動新荷。餘不溪上扁舟好，何日歸休理釣蓑。

贈周景遠田師孟

與子同客帝王州，一日不見如三秋。風高氣肅雁聲急，天青日暖蛛絲遊。籬下黃花為誰好，水邊紅

元本帝王拉行

樹令人愁。世間萬事可撥遣，日日痛飲醉即休。

送李元讓赴行臺治書侍御史

郎署聯班僅一秋，旦同趨省莫同休。豈惟官事奔忙共，自覺吾儕氣味投。驄馬只今登憲府，白鷗何日傍滄洲。別離不似今朝惡，南望令人生白頭。

送劉天錫鎮守鄂州

將軍好武更敦書，執戟多年衛帝居。扈蹕慣騎天育馬，分符真食武昌魚。弓刀行色寒逾壯，尊酒風流澹有餘。江路梅花正堪折，未應便向故人疎。

送繆秀才教授真州

元本帝片拉行



髯生別我將安適。言向真州作教官。但使清風生  
絳帳。何妨朝日照空槃。東園草木因人勝。北固江  
山隔岸看。才近中年已傷別。可堪南望送歸鞍。

送闕子靜廉訪浙西

元本京城控行

翰林禁近逼青冥。憲節乘驄出帝城。海內文章歸  
渾厚。浙西民物望澄清。姑蘇落日荷花淨。震澤秋  
風橘柚明。憶向玉階承聖語。早歸黃閣慰蒼生。

元本聖詔控行

次韻左轄相公

昔年閭里自浮沉。郎省那知遂有今。老去馮唐堪  
底用。愁來莊舄向誰吟。上林柳色春猶淺。西塞桃

花水正深知。已如今居且。不應長此泣南音。

次韻左轄相公奉寄行臺中丞徐公

盡日沉迷簿領書。何時重得賦閒居。已無夢想懸  
金印。豈有文章到石渠。白髮故人霜柏在。黃塵遊  
子斷蓬如。舊遊憶在吳興日。自采谿毛膾白魚。

送孟君復信州總管

君侯弱冠已專城。未許甘終浪得名。五馬人生真  
足貴。一毫寵辱不須驚。莫雲去作江東夢。秋雨無  
忘薊北情。歌罷風前折楊柳。離觴那忍為君傾。

追輓宋漢臣副使



元本世祖行

元本帝居行

元本聖德行

元本帝都行

生世憐余後此公聞人說似涕無從一時文獻交  
游裏十載煙霞杖屨中有子能為先友記臨終方  
見古人風秋漪亭上殘陽色猶照先生醉後容

欽頌世祖皇帝聖德詩

東海西山壯帝居南船北馬聚皇都一時人物從  
天降萬里車書自古無秦漢縱強多霸略晉唐雖  
美乏雄圖經天緯地規模遠代代神孫仰聖謨

送吳思可總管汀洲

七閩南去路崎嶇五馬承恩出帝都地氣喜聞今  
有雲民生寧似昔無襦山城酒美傾鸚鵡雨館春

深聽鷓鴣他日相思應悵恨離筵不忍賦驪駒

李仲淵求其弟叔行萬竹亭詩為賦一首

聞君有弟多栽竹邀我題詩寄遠情翠碧飛來人  
政靜鳳凰鳴集實初成江波倒影春雲合山月籠  
陰夜氣清我亦有亭深竹裏也思歸去聽秋聲

王氏節婦

夫婦人倫之大者夫死寧容有二天矧是簪纓嫺  
母訓故應詩禮得家傳何須斷耳徒驚俗只是持  
身已自賢年少寡居今白髮為君重賦柏舟篇

和姚子敬韻

我知二記記有作吳仲  
圭詩者



元本君恩格行

同學故人今已稀，重嗟出處寸心違。自知世事都無補，其奈君恩未許歸。滄洲白鳥時時夢，玉帶金魚念念非。準擬明年乞身去，一竿同理舊苔磯。

趙子敬御史志養堂

志養堂前驄馬歸，融融喜氣動庭闈。能令將種爲書種，可是斑衣勝繡衣。手樹藜萱侵雪色，心同寸草報春暉。不須更上陳情表，壽母康強世所稀。

至元庚辰繇集賢出知濟南暫還吳興賦詩

書懷

五年京國誤蒙恩，乍到江南似夢魂。雲影時移半

山黑，水痕新漲一溪渾。宦途久有曼容志，婚娶終尋尚子言。政爲疎慵無補報，非干高尚慕邱園。多病相如已倦遊，思歸張翰况逢秋。鱸魚蓴菜俱無恙，鴻雁稻粱非所求。空有丹心依魏闕，又攜十口過齊州。閑身却羨沙頭鷺，飛去飛來百自由。

初到濟南

自笑平生少宦情，龍鍾四十二專城。青山歷歷空懷古，流水泠泠盡著名。官府簿書何日了，田園歸計有時成。道逢黃髮驚相問，只恐斯人是伏生。

劉端父御史見和前詩次韻答之



少日君多隱遁情。微官猶喜得山城。腹中洞視渾無物。身外何因更有名。忽憶放船茗水去。終期背郭草堂成。故鄉一別三千里。看見池塘草又生。

次韻端父和鮮于伯幾所寄詩

畫舸西湖到處游。別來飛夢到杭州。百年底用憂千歲。一日相思似幾秋。苦憶東南多勝事。空吟西北有高樓。只今賴有劉公幹。時寫新詩解客愁。

春日送廉訪監司赴都

春回北斗轉招搖。使節迎春上九霄。官道柔楊有生意。私田細麥長新苗。東風河水冰初泮。遲日沙

元本坊拉行

堤雪易銷入覲彤。廷元會畢袞衣留。相聖明朝

送劉安道指揮副使還都兼寄李士弘學士

昔來雨雪正霏霏。今去春鴻向北飛。王事便應歌杖社。家人未用歎蚬蟻。據鞍橫槊軍威壯。把酒論文雅志違。為問瀛洲李學士。相思何故信音稀。

趵突泉

灤水發源天下無。平地湧出白玉壺。谷虛久恐元氣泄。歲旱不愁東海枯。雲霧潤蒸華不注。波濤聲震大明湖。時來泉上濯塵土。冰雪滿懷清興孤。

繼鄭鵬南書懷



豈不懷歸苦未閑宦情羈思不成歡可能治郡如  
龔遂只合臨流似幼安棋局懶從先處著醫方留  
取用時看夜來夢到茗溪上一枕清風五月寒  
澤國西風一夜生故園喬木動秋聲山川滿目悲  
搖落物色無心得老成下坂牛羊知故道親人魚  
鳥近幽情向來豪氣消磨盡空對年光浪自驚

德清閒居

已無新夢到清都空有高情學隱居貧尚典衣貪  
購畫病思棄研厭求書圍人焚積夜防虎豁女叩

扉朝賣魚因即枕書飢即飯謀生自笑一何疎

題山堂

手種青松一萬栽山堂留得翠屏隈推窗綠樹排  
簷入臨水紅桃對鏡開山雉雖迎朝日去野禽啼  
傍夕陽來老妻亦有幽棲意數日遲留不肯回

醉後同張剛父清風樓聯句

碧樹未黃風露秋晚雲蕭索亂山愁趙千家疎雨催  
砧杵兩岸殘陽入釣舟張畫角吹殘人罷市清尊飲  
散客登樓趙古今回首俱陳迹唯有溪聲日夜流張

和鄧善之九月雪



元本以五字字字

季秋驚見燕山雪遠客淹留愁病身顛顛自傷黃  
菊晚橫斜空憶野梅春蒼松翠柏爭擎重紺殿紅  
樓迴絕塵想得江南猶未冷嫩橙清酒正嘗新

次韻子敬懷王子慶往吳中

王力購  
音帖

閣閣城郭填姑蘇弔古登臺百感俱秋水遠隨鴻  
影沒江雲長傍客帆孤吳時花草于今在晉代風  
流絕世無別後古人須有得已應懷寶問歸途

趙文敏公松雪齋全集卷四



書